

1203 exules reverterentur : ipsi Veneto magistratui, eorum Ecclesia Gradenſi Antiftiti pareret : cæterum quotannis mille cuniculorum pelles Veneto Duci dono mitterent . Dum hæc in Dalmatia geruntur, Veneti interim Gallique Ionio primo, inde Ægeø, Hellespontoque emenſis, ad Boſphorum, qui Thracius dicitur, pervenerant.

*Byzantii
descriptio.*

Sed hic de loco, deque urbis ſitu, ut magis perſpicua ſint, quæ poſtea dicentur, pauca a nobis ſunt referenda. Byzantium (quam Conſtantinopolim poſtea a Conſtantino, qui eam auxit, novaque imperii ſede ornavit, dictam manifeſte conſtat) a Pauſania Spartanorum Rege conditum Troguſ tradidit. Eſt urbs ipſa adeo opportuno loco ſita, ut Megarenſes Calcedoniſ conditores, quæ e regione Byzantii fuit, oraculo Apolliniſ cæci judicati ſint : quod tam locuplete ripa omiſſa, ubi poſtea Byzantium fuiſſet conditum, ſterilem ædificandæ urbi locum optaſſent. Maris anguſtias quingentorum paſſuum latitudine, haud procul hinc ſeſe arctantiſ Thracium Boſphorum, a perviiſ boum meatibus appellatum tradunt. Habet urbs ipſa ad ſeptentrionem ſinum quinquaginta ſtadia ab alto ad occaſum protentum : ad aditum cujuſ brevi intervallo hinc Byzantium, inde Pera (quam a breviori trajectu verbo Græco appellatam exiſtimo) ſe ex adverſo intuentur : utrinque validiſſima catena deducta, impoſitoque ad utrunque caput præſidio, aditum hoſtibus Alexiſ ademerat. Dum hic igitur tam numeroſa hæret claffis, Cretenſium legati duabus veſti triremibus ad Alexiſ venerunt, Cretam inſulam illi publico nomine dedentes. Eam benigne acceptam Bonifacio Monferratenſi, viro impigro, avitaque conſanguinitate ſibi propinquo puer habendam tradidit. Catena interim non priuſ perrumpi potuit, quam validiſſima navis (Aquilam vulgo nuncupatam ferunt) cæcia vento impulſa, magnaue forcipe adjuta, in illam ſit inveſta. Ea diſcuſſa, poſiti Veneti ſinu, omneſ externas copias in terram expoſuere : ac conſeſtim urbs terra marique obſideri cœpta eſt. Sed ſub primam obſidionem Theodorus Laſcaris, Imperatoris gener, cum copiis quibus præerat, eruptione ex ur-

*Expugnatio
Byzantii.*

be re-